



Trg pravde 10, 76100 Brčko distrikt Bosne i Hercegovine; web: jt-brckodistriktbih.pravosudje.ba; tel: 049/217-227; faks: 049/219-088; e-pošta: jtbtd@jtbtd.ba
Трг правде 10, 76100 Брчко дистрикт Босне и Херцеговине; web: jt-brckodistriktbih.pravosudje.ba; тел: 049/217-227; факс: 049/219-088; е-пошта: jtbtd@jtbtd.ba

Broj: T18 0 KT 0016053 22
Brčko, 12.09.2022. godine

Na osnovu člana 35 stav (2) tačka ž) i člana 226 stav (1) Zakona o krivičnom postupku Brčko distrikta BiH, p o d i ž e m:

OPTUŽNICU

Protiv:

M. R. [...]

Što je:

Dana 11.03.2022. godine, oko 11,00 časova, u ulici Desanke Maksimović, Brčko distrikt BiH upravljajući putničkim motornim vozilom marke „Ford Courier“ registarskih oznaka ..., vlasništvo S. R, olako držeći da do saobraćajne nezgode neće doći, suprotno članu 36 stav (2) Zakona o osnovama bezbjednosti saobraćaja na putevima u Bosni i Hercegovini, izvršio radnju kretanja unazad iz sporedne ulice radi uključivanja u saobraćaj, a da se prethodo nije uvjerio da to može učiniti bez opasnosti za druge učesnike u saobraćaju, u trenutku kada se trotoarom kretala pješak B. L, iz pravca TC „Bingo“ u pravcu stanovanja u ul. Desanke Maksimović br. 3, kojom prilikom je došlo do kontakta zadnjeg dijela vozila sa stražnje desnom bočnom stranom B. tijela, od kog udara je B. izbijena iz ravnoteže i jače odgurnuta u smjeru kretanja vozila, tako da je pala lijevom bočnom stranom tijela na asfaltnu podlogu, usljed čega je zadobila teške tjelesne povrede u vidu preloma gornjeg okrajka nadlaktične kosti uz minornu dislokaciju ulomaka, višestruki prelom donjeg okrajka podlaktičnih kostiju uz dislokaciju ulomaka i laku tjelesnu povredu u vidu laceracije kože pglavine iznad lijevog oka,

dakle, kao učesnik u saobraćaju na putevima koji se ne pridržava saobraćajnih propisa, iz nehata ugrozio javni saobraćaj i doveo u opasnost život ljudi, pa je zbog toga kod drugog nastupila teška tjelesna povreda,

čime je učinio krivično djelo – Ugrožavanje javnog saobraćaja – iz člana 326 stav (3) u vezi sa stavom (1) Krivičnog zakona Brčko distrikta BiH

[...]

Preduzimanje radnji krivičnog gonjenja prema određenom licu ne znači da je to lice zaista i odgovorno za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica.